

Berthold

Neue Zeitung

Dd
226



Geneze Zeitung und
Beschreibung

Von den Friedenshandlungen zu Strass
und derselben bezeugenden von den Kaiserlichen
Legation und Hauptern der Welt recordenten abge-
schickten Legation welche der Kaiserlichen Danemarcken
und Schweden in dem Namen des Herrn Gott lob ver-
truglich gemacht haben: Sitten
der Kaiserlichen Reichs von Krieg
und Friede

Alles zu Ehren

Den Kaiserlichen Legation und
Abgesandten welche von dem Kaiserlichen
Landes und derselben kaiserlichen Reichs
Legation abgekommen und wolklich wollen zu
den Kaiserlichen Reichs Frieden und anfanglich
zu gemacht und die Kaiserlichen Reichs
sonderlichen Willen in dem Kaiserlichen Reich
auf folgenden Namen heisset
gemacht sein

Durch
Andreas Bartholomaeus von Döbeln
wiltig zur Kaiserlichen Legation zu
ehen Strass





Neue Zeitung vnd Beschreibung/

Von den Friedeshandelstag zu Stettin
vnd derselben beywohnenden/ von den Hohen Po-
tentaten vnd Hauptern der Welt verordneten abge-
sandten Legaten/ wegen der Reichen Dennemarcken
vnd Schweden siebenjerige/ vnd nun Gott lob ver-
tragenen vnd hingelegeten Kriege: Sieben
Herrlicher Gedicht/ von Krieg
vnd Friede.

Alles zu Ehren

Den Herrn Commissarien Legaten vnd
Abgesandten/ welche vmb des ganzen Deutschen
Landes vnd derselben fürnembsten Wendel See vnd
an Seestedten Heil/nutzes/ vnd wolfahrts willen/ zu en-
de dieses 70. Jars / ein ewigen Friedtbund auffgerich-
tet/ gemacht/ vnd gestiftet haben/ samptlichen vnd
sonderlichen allhier in einem artigen Gedicht
auff folgendem Blat namhaftig
gemacht sein.

Durch
Andream Bertholdum/ von Oschab/ Modistan
itziger zeit Deutscher Schulmeister zu
alten Stettin.

1827/28: 1000

J. F. Gebhard

Zorzeichnus der Her-
ren Commissarien vnd Legaten / welche
der Römischen Keyserlichen Maiestat / So wol der
Könige : Franckreich / Polen / Dennemarck / Schweden / Auch dem Chur-
fürsten zu Sachsen / vnd der Stadt Lübeck / zur Friedshandlung in
Stettin / bestimpt erschienen vnd anwesend sein / wie ordentlich folget.
Erstlich vnd vnterschiedlichen die Vnderhändler die Herren Com-
missarien / darnach die Parthen oder Legaten / Nam-
haftig beschriben.

Wemlich gegenwertig bereit
Ist Fürstlich Durchleuchtigkeit /
Hertzog Johannes Friederich /
Zu Sterein vnd Pomern / dergleich
Cassuben / Wenden / vñ Rügen Lands-
Fürst /
Dem stets nach Gerechtigkeit dürst /
Mit That / Namen / Werck vnd Worten /
Friedenreich an allen orten.
Vnd Graff Joachim Schlick erkorn /
Sanftmütigen Geists wolgeborn.
Mit hoher vernufft Sinn vnd witz /
Landtvoigt vber Ober Lausnitz.
Graff zu Weißkirchen vnd Passan
Der Kron Behm deutscher Lehn Hauptman /
Herr zu Schlafenwerd vnd Ellnbogen
Der Einigkeit wolgewogen.
Sowol mit reichem verstandt gut
Keiffem Rath / vnd bedachtsam Mut
Die Gstrengen von der Rittershaft
Mit grosser Weyßheit / Kluckheits krafft.

A ij

Herr

Herr Cristoffer von Karlewitz/
Vnd auch Herr Caspar von Winckwitz/
Welch erschienen mit grossem Rath
Wegen Keyserlicher Mayestat.

Zum Andern folget auch dergleich
Königlicher Würde zu Franckreich
Gesandter/ Commissarius/
Herr Carolus Dancaeus.
Der Gestreng Kitter Aufbündig/
Viel vnd mancher Sprachen kündig.
Ein verfolger der vierertzseindt/
Die dem Frieden zu wider seindt.

Ferner Königlicher Mayestat
Aus Polen Stadtlische Legat/
Zwischen Kriegs vnd Friedens vnterscheidt
Vmb der freundlichen Einigkeit/
Seindt die Hochwürdigen Herren
Hochgelerten vnd Gestrengen/
Hochberümbt in freyen Künsten
Martin Cramerus seine gunsten
Des Stiffts Heylsburgk Coadiutor/
Der Kron zu Polen Drator.
Zu mehrerm beystandt mit Glori
Demetrius Solikoufki.
Edler wolerfarner vnd ein
Secretarius in geheim.
Zu fürderung auff's aller best/
So wol Steffan Loitz der Ernuest.
Vnd auch der Hochgelerte Herr
Justus Claudius fürnemer.

Das

Als der Krieg möcht zum Endt wachssen/
Hat auch der Churfürst zu Sachsen/
Ertzmarschall im Römischen Reich
Vermöcht/ die Großmütige gleich
Wolgeborn/ Gestreng/ Edler art
Herrn/ Graff Ludwig Herrn zu Newgart/
Der Graffschafft Herr zu Eberstein/
Auch zum beystandt der Gnaden sein/
Erich Volckmahr von Perlipß lobsam/
Des Düringschen Kreis Oberhauptman/
Vnd zu Leipzig des Churfürstlichen
Sächssischen Hoffgerichts Landtrichtern.

Nach den Vnderhandelern gemelt
Werden volgents die Parten erzelt.

Kstlich die Kron zu Dennemarck/
Hat ihre Legation starck.
Die Gestrengen vnd Ernuesten/
Des Kriegs erfahrne zum besten/
Hochgelerten/ Ehrwürdigen/
Hochberühmbten Fürsichtigen/
Des Reichs Dennemarck Trost vnd Schilde
Verordenet Herr Peter Bildt.
So wol auch Herr Heinrich Kantzo/
Vnd Herr Georg Rosenkrantz do/
Auch Herr Jochim Hincke Doctor/
Der Kron zu Dennemarck Drator.
Zusamt/ vnd darneben Niels Raef
Desselben Reichs Secretarius.

A ij

Vnd

S Ad desgleichen zu Schweden hat
Die königliche Mayestat/
Zu diesem Handel erkoren/
Die Edeln vnd Wolgeboren
Herrn/ Herr Nicolaus Guldenstern/
Des Reichs zu Schweden Cantzeln.
Vnd Herr George Gera Freyherrn/
Benndt Gultze zu Patorp Rittern/
Vnd Ritter Erich Guldenstern/
So wol die Secretarien/
Erbarn vnd wolgeleerten/
Nemlich Dloff Lorentzen/
Hieremias Kömern/
Peter Michel Magistern/
Vnd wirdt hiermit gezogen an/
Doctor Bartholomeus Kadman.

S In des Römischen Reichs Hauptstadt
Lübeck/ Bürgermeisters vnd Kadts/
Seindt der Friedshandlung zum besten/
Die Erbarn Weisen Ernuesten/
Herr Iheronimus Lüneborch/ drat
Herr Christoff Todt/ beide Senat.
Auch Herr Calixtus Schein Doctor/
Der freyen Reichsstat Drator.
Herr Friedrich Knebel Admiral/
Auch sonsten noch zween dozumal
Secretarien/ ohn verdrus
Christoff Kunstman vnd Arnoldus.

Durch



Schlechtige Hochgeborne
Fürsten/ Hochwürdige/ Wolgeborne
Prelaten/ Graffen/ Gestrenge/ Ehrenueste/
Achtbare vnd Hochgelerte Herren. Ob wol von jtzigen geschwinden grausamen erschrecklichen Leufften vnd Zeiten der rechte Himel vnd Friedefürst ge-
weissaget / Die Propheten vnd Aposteln geprophe-
zeyet / so wol die jztigen Theologen vnd Astrologen aus waren Astronomischen Künsten geprognosticiret/ vermahnet vnd gewarnt/ zugleich en die Zeichen am Himel in der Luft vnd auff Erden / eins auff's ander etliche Jar hero/ erschienen/ vorkundet vnd bezeuget haben/ den grossen Jammer vnd Elend / der vber der Welt Sünde/ Bessheit vnd Unge-
rechtigkeit kommen soll vnd wird/ Vnd das die Art schon an den Baum gelegt/ vnd die abscheuliche straff vnd zeit vorhanden sey/ etc. Davon S. Daniel vnd Ezechiel hiebuorn gewahrnet vnd gemeldet haben/ Das Gog vnd Magogs oberste Fürsten / Mesech vnd Tubal aus den schnellen Scythischen vnd Partischen Völkern / dabey Tattern vnd Türcken/ vnd wie etliche wollen auch Moscovitter verstanden werden/ erschrecklichen zukunfft/ die dann mit einer so grossen macht vnd gewaltigen hauffen Volcks wie Sandt am Meer/ die Christenheit/ mit mordt/ raub vnd brandt vberfallen werden/ mit so grossem Turst vnd Tyraney/ das grausam vnd erschrecklich zu sagen vnd zu schreiben ist. Jedoch do wir in bekerung zu Gott / durch rechtschaffen erkentnis vnd bekentnis/ das ein Gott/ ein Geist/ ein Gemeinschaft/ ein Glaub/ ein Tauff/ ein Leib in Christo/ alle einig in dem Einigen/ einander herzlich liebten/ krewlich meinten/ Friede suchten/ Friede machten/ nach Einigkeit trachteten / vnd Friede hielten / vns mit vnserm Nächsten versünten / Vnd also rechtschaffene Frucht der Buß wirkten. Wolan so müste warlich neben dem heyligen Gebet in warer anruffung Gottes zu dem heyligen gewünschten Frieden / die hiebuorn geprophetirte vnd gedrowte straff / zu rück weichen vnd aussen bleiben: Vrsach/ das Gebett vnd Fried/ ist viel thetiger vnd schefftiger/ krefftiger vnd stercker/ denn aller frembden Scythischen Tyrannischen macht / Krafft vnd gewalt vber einen hauffen. Denn wo man den Frieden suchet/ nachjaget/ vnd nach dem Frieden trachtet/ da wonet Gott/ da findet man auch Gottes segens/ gedeyen/ zunemung/ heyl vnd wolfahrt / Vnd selig sein vnd selig machen.

Wagegen/ wo man aber nicht mit ernst vnd von grundt des Herzens / Frieden zu suchen vnd zu machen gemeinet ist / da kan Gott mit seinem Geist vnd Gaben nicht wohnung noch statt finden / Vrsach ist diese

diese: Wir haben die verkehrte begierlichkeit in vns nicht gar vber
wunden vnd gedempfft/ Sintemal der Oberst der Welt/ das ist der Sa-
tanus/ welcher von der heyligen Schrift ein Fürst dieser Welt genennet
wird/ der der Wahrheit/ vnd des lieben Friedens/ erger abgesetzter
Feindt ist/ welcher mit aller macht/ gewalt/ tausent Kunst/ list vnd tück/
feindtlich zu gegen vnd wider streben thut/ In vns einen solchen willen
vnd bewilligung erweckt/ Das wir vber alle erlittene schaden/ vns mit
ferneren Streitschriften vom H. Ern Christo vnd den heyligen Fried-
den/ zertrenlich vnd abzusondern machen. Deme zuent gegen vnd zuwid-
der/ das solcher wille oder eingebung nicht beygepficht/ statt noch raum
gegeben vnd gegönnet. Vnd desgleichen die Ursachen der Vneinigkeit/
oder die ding so nicht verantwortet können werden. Sollen wir Chri-
sten/ Gleich wie die jentgen bey dem Homero/ dem Lehrer/ die zum Fried-
de rathen vnd reden/ die ursach der Vneinigkeit zwischen dem Agamem-
nont vnd Achilli/ der Abgöttin Ate zumessen/ Also soll man die ding so
nicht mügen verantwort werden/ entweder dem Himlischen einfluss/
oder dem bösen Geist/ so es also gefellig/ zuschreiben/ vnd der Hass von
den Menschen auff den einfluss der Himel vnd den bösen Geist gewandt
werden.

Werden wir nu vber dis alles die gutte Mittel vnd Wege/ so zu
Fried vnd Einigkeit ersprißlich/ nicht allein verachten/ sondern auch be-
rürte vberflüssige Prognostication in Windt schlagen/ So ist das Vbel/
das aus dem vnersetlichen vnchristlichen Blutuergiessen/ sich verursachet/
nicht allein erschrecklichen vnd gewulichen/ das Widwen vnd Waisen in
die eufferste Noth/ Armuth/ Dürfftigkeit vnd Elendt gesenck/ Ich ges-
schweige dero mechtigen Reiche vnd Lande/ Geldt vnd Volcks er-
schöpfung/ die drüber mit verheerung vnd verzerung/ zu scheitern
vnd zu trummern gehen/ welches/ wiewol es ein grosse Trübsall/ Jes-
merlich vnd Erbarmiglich zuhören vnd zumelden ist/ noch ist es gegen
deme nicht zuvergleichlich/ oder zum wenigsten gar nichts/ das aus den
entstandenen vnd beschehenen Kriegs vbeln folgen vnd kommen soll/ sol-
cher Trübsall/ dergleichen von anfang der Welt nie erhöret ist worden/
Ursach haben wir anfenglich gehöret/ Die erfahrung gibts/ alle vmbstend-
de bezengens/ das durch alle vnd jedere einheimische eigennützigte Krie-
ge/ derselben Lande/ durch verwüstung vnd hinrichtung/ der Streif-
horn/ vnfargang vnd mangel/ hiermit gleich Thür/ Riegel vnd Porten
den Scythischen Völkern geöffnet/ vnd ohn allen oder geringen wider-
standt/ ein freier Pass/ erweckt/ erreget/ vnd gegenen wirdt.

Vnd werden wir die Friedeschantz versehen/ so werden dieselben
die ihre desto besser in acht nehmen/ wie sie dann auff die vnserer inner-
liche Kriege ein wachendes Auge legen/ wie der Lux vnd Lewe auff den
Raub

Raub lauret/ Also liegen vnd lauren dieselben wilden Völcker/auff vn-
sere der Christen innerliche Krieg/etc.

Wie mögen wir dem Gog vnd Magog / denselben Obersten Für-
sten Mesech vnd Tubal / der Türcken vnd Tattern Herrschaffen / ein
Freudsamers vnd angenemers Schauspiel machen vnd anrichten / denn
wenn sie sehen/das wir vns vnter einander selbern/mit vnsern Wehren/
ymb vnser Leib vnd Leben bringen.

Wilde Gott vorstehend Vnglück des zukünftigen Vbels / vnd
darneben des Kriegs vnrath/das gemeintlich hieraus zu folgen pflegt/
würde deromassen betracht / das es besser wer / dasselbe Schwerdt/
welchs wir an vnser Christliche Mitbrüder mit vnüberschwencklichen
Kosten vnd Blutuergetzen gegeneinander brauchen / do wir je kriegen/
vnd des Kriegs nicht vberhoben sein wolten / das wirs brauchen vnd
wendeten gegen den Erbfeinden der ganzen Christenheit/auff der noch
stehenden starcken Christen Maur/ beste vnd feste Polwerck. Ist nicht
Polen vnd Ungern vnser Maur / Wehr vnd Polwerck wider den
Christlichen Erbfeinden/der Scythischen/Tatarischen vnd Türckischen
Völkern / nun lange zeit viel Jar hero gewesen: Wiewol die Ungert-
sche Maur gebrochen / vnd zum theil gefallen / Vnd wo man nicht bey
zeiten / durch stiftung der Einigkeit / denselben Grenzen zu hülff / mit
schutz vnd beystand / dieselben zu stercken / zuerhalten vnd zuerweitern
beywohnen wtrdt / ist leider zuermuten vnd zubefahren / das die Prop-
hecey ihre Krafft vnd Wirkung erreiche n werde.

Endtlichen vnd dieweil offenbar / das alles Vbel / vnd noch ein-
ergers aus dem Kriege erfolget. Als bin ich vmb dieser vnd anderer
zum theil mehrberürten Ursachen vnd vmbstenden / diese Steben herr-
liche Gesicht darinn von Fried vnd Kriegs art vnd eigenschafft gehan-
delt wird / beyde den Krieg vnd Fried / in ein weitläufftiges nutzbar-
liches Gesicht/aus bewerten Scribenten/zuschreiben / verursacht vnd
bewogen worden. Vnd was des Kriegs/do er zum aller glückseligsten
gereth/ entlicher Frucht vnd Lohn sey/ etc. Nemlich: das aller Gew-
waldt vnd Kriegs macht / vergenglich vnd verstorlich / solchs mit
zweyen Historien beschlossen.

Welches alles Ewren Fürstlichen / Hochwürdigkeiten / Herrliche-
keiten / Gnaden vnd Gunsten zu Ehren / der furgenomen Friedshand-
lung zu Heil vnd Wolfarth / dem Menschlichen Geschlecht zu Dienst
vnd Nutz/ Fürnemlich dem Allerhöchsten zu Wolgefallen / aus Christo-
licher Liebe / wolmeinender Treu / demütiges dienstliches Fleisses be-
schehen ist. Die dann zu befürderung vmb des allgemeinen Christlichen

B

Nuzes

Nutzes/ vnd vmb des von allermenniglichen guthertigen Christen/ ged
wünschten/ seligen/ lieben vnd heyligen Friedens willen zu Alten Stettin
versamlet/ vnd beyeinander seyn. Denen die Ewige/ Allmechtige/ Gött
liche Weisheit durch beystandt des heyligen Geistes/ glücklichen Vortho
gang verleyhen wöille/ vmb des obersten Himel vnd Siegsfürsten / des
rechten Kriegshelden/ vnseres HErrn vnd Heylandes Ihesu Christi wil
len/ Amen. Gegeben nach seiner freudenreichen Geburt/ Sunffzehens
hundert vnd Stebenzig / am tage des grossen streitbaren Erzengels
vnd Fürsten S. Michaelis.

Ewer Fürst: Hochwird: Herrlig:
Gnad: vnd Gunst:

Vnterthentger williger:

Andreas Bertholt von Oschatz Modista/
itziger zeit Deutscher Schulmei
ster zu Alten Stettin.



Von

Von Krieg vnd Friedes geschicht/ Sieben Herrlicher Geticht.

Das Erste: Von Einigkeit vnd Fried.

Das Ander: Von den Vier Erkfeinden des Frie-
dens. Das Dritte: Von dem Unterscheidt zwischen
Krieg vnd Fried. Das Vierte: ist von der Tugend, der
Groszmütigkeit. Das Fünffte: ist ein Historia von
den grossen/ mechtigen/ manlichen Thaten/ der Streit-
baren Daenen. Das Sechste: ist auch ein beschreibung
einer vralten Historien / der Schwedischen Völckern/
manliche Thaten vnd Geschichten. Das Siebende:
ist ein Lobspruch der Stadt Lübeck/ Vnd endlich von
dem schrecklichen Thier dem Krieg. Zum beschluss:
Der hierauff erfolgte Fried. Aus fürnemen Geo-
schichtschreibern zusammen gezogen.

I.

Die Holdselige Fraw Einigkeit.

Zu Ehren

Den Herren Keyserlichen
Commissarien.

Als man zelt Funffbehenhundert Jar
Vnd Siebentzig die Jarzal war/
Da ein Friedshandlung zwischen beden
Königreichn/Dennmarckn vñ Schweden
Angestellt/ vnd gehalten gleich/
Somol Friedshandlung in Franckreich
B ij Wardt

Wahrheit erhalten/ vnd vollenbracht/
Einigkeit gestiftt vnd gemacht.
Wie dann ruchtbar quam die warheit
Gen Stettin/ zur Friedshandlung zeit.
Dofelbst ein mal in einer nacht/
Lag ich munter vnd mir gedacht/
Eygentlich/ was das nützeft wer :
In allen Landen hin vnd her :
So bald aber als ich entschlieff/
Hört ich ein stimme die mir rieff/
Einfeltiglichen/ schaw vmb dich/
Wich daucht wie ich sech sichtiglich/
Ein grossen See vnd Wasserwag/
Kundt in der mitt/ ein Berge lag/
Lieblich/ als ein Insel zuschawen/
Ein Holdselig Weib sach ich bawen
Inn einem augenblick/ ein groß
New/ schön vnd starck Fürstliches Schloß/
Auff diesen Berg/ mit quadersteinen/
Die Kinckinawer sah ich mit kleinen
Türnlein vornen herumher schmücken/
Ober den See macht sie ein Brücken/
Dineinwarts zu dem schönen Schloß/
Mit einer Schlagbrück starck vnd groß/
Auff diese Brück setzt sie ein Pforten
Durchsichtig starck/ an allen orten.
Nach dem da sprach die Stimm zu mir :
Auff/ geh hinnein/ ich wil mit dir/
Im Schloß dir zeigen alle ding/
Bald ich anleutt/ die Pfort auff gieng.
Als ich hin nein kam vbert Prücken/
Thet sich die Schlagpruck nider bücken.

Dar

Wir war verschwunden all mein trawren/
Ich gieng hinaus zu der Kinckmauren/
Da fandt ich Stallung vnd Brunnen/
Als so orndtlich vnd wol besunnen.
Auch fandt ich ein künstlich Werckstat/
Von Werkzeug mancherley vorrat/
Ein Schmitzen vnd Brennoffen darbey/
Zu distilieren vnd Alchimey
Dergleich fandt ich ein runden Tempel
Erbawt/ nach Heidnischen Exempel/
Als ich mit wunder das durchschawt/
Da ruffet mir die Stimm gar laut/
Geh nab ans Wasser/ erit ins Schiff/
Abgieng ich etlich staffel tieff/
Trat in ein Schiff das ich da fand/
Da gieng das Schiff mit mir vom Land/
Vber den See zu einem Garten/
Darinn sah ich na gutten arten/
Die aller fruchtbarsten Weinreben/
Manch geschlachte Baum sah ich darneben/
Ein edels Kraut heist Patientia/
Sampt dem Kreutlein Benuolentia/
Die gaben also süssen ruch/
Das es mein Hertz vnd Seel durch kroch/
Auch fand ich da ohn all geferd/
Den aller schönsten Vogel herd/
Als solt ein Graff wonen darinnen/
Also mit freudenreichen Sinnen
Kert ich zu vorgemelten Haus/
Sah blicken obn zum finster aus
Die aller holdseligsten Frauen/
So dieses Schloß vor het erbawen/

Gantz

Gantz Ehrwerdig/ Herrlicher gestalt/
Wittelmessig an Jahren alt.
Ich sprach: O Stimm wer ist dis Weib?
So holdselig vnd schön von Leib.
Der Angsicht leucht voller Sanfftmut/
Voller Freundschaft/ Fried/ Trew vnd gut.
Die Stimm sprach: Sie heist Unitas/
Ich sprach ich: Bitt verdeutsch mirs bas/
Sichst nicht es ist Frau Einigkeit
Sprach die Stimm) die vor aller zeit/
Erbawt hat alle Königreich/
Vnd darzu alle Stedt dergleich.
Wo Einigkeit ihr Wohnung hat/
Da geht all ding glücklich von stat/
Die kleinen ding die macht sie gros/
Einigkeit ist ein festes Schlos.
Für alle Feind ein starcke Mauren/
Einigkeit vberwind alles trawren/
Einigkeit hilffet/ reth vnd gibt/
Einigkeit hertzlich tröst vnd liebt/
Einigkeit die kan nicht leiden/
Einigkeit besteht in mitleiden/
Einigkeit mehrt reichthum vnd gut/
Einigkeit machet freud vnd mut/
Einigkeit bringet ehr vnd lob/
Einigkeit schwebt im Himmel ob/
Dargegen hab des vnraths acht/
Welcher folget aus der Zwitteracht.
Als: vnwill/ zorn vnd vnfur/
Zwispaltung/ Kriege vnd Auffrur/
Die grosse ding sie gar zerstreut/
Verterbet beyde/ Landt vnd Leut/
Zerstö-

Zerstöret gantze Königreich/
Fürstenthum/ gantze Stedt dergleich.
Wo sie ist/ da ist nur verterbens/
Leidens/ Hassens vnd ewig sterbens/
Sie ist ein Wunde dem Gewissen/
Hat ihr zal in die Hell gerissen.
Derhalb halt dich zu Einigkeit/
Das aller edelst dieser zeit/
Wilt anders hie vnd dortz wol leben.
Als ich der Stim wolt antwort geben/
Da erwacht ich von diesem traum/
Vnd kunt mich des verwundern kaum/
Nach sahn ihm lang/ dacht doch zu letst/
Einigkeit ist das aller best/
In dieser gantzen Welt weit/
Was ist nutzers denn Einigkeit?
Es sey in der Religion/
Oder in einer Nation:
Oder in einem Königreich/
Oder ein Fürstenthum dergleich:
Oder es sey gleich in einer Stadt/
Beide/ bey Gemein vnd einem Radt/
Da ist ein Wawer starck vnd gut/
Wie Antihstenes sagen thut.
Dergleich in dem Ehlischen stand/
Ist Einigkeit das edelst band.
Wo Brüder vnd Schwester einig leben/
Ein freundschaft oder gschlecht daneben.
Ein Handwerck/ oder Nachbarschaft/
Ist die mit Einigkeit behaft/
So haltens einander schutz/
Entspreust auch ihn allen zu nutz/

Wie

Wie Scilurus der weis Man redt/
Als er lag auff seinem Todtbet:
Als ihm sein achtzig Sön herkamen/
Vand er achtzig pflüttschen Pfeil zusammen/
Gab sie ein Son die abzubrechen/
Als sie das thaten widersprechen/
Das es vnmüglich wer zu than/
Da sprach er lieben Sön secht an:
Zog ein heraus dem andern nach/
Vnd sie alle zu stücken brach/
Sprach: Werd ihr nach meines Todes zeit/
Bey samen bleiben in Einigkeit/
So bleibt ihr gwaltig/ Reich vnd mechtig/
Wo ihr werd aber sein zwitterchtig:
So werdet ihr in kurtzer stund/
Einr nach dem andern gehn zu grund.
Derhalb ist Einigkeit ein Band/
Das helt zusammen Leut vnd Land/
Das holdseligst in aller Welt/
Wie Dauid in ein Psalmen melt:
Wie holdselig/ lieblich vnd fein/
Ists/ wo die Brüder einig sein.
Weil wir Christen nun sind zumal
Brüder/ in diesem Jammertal/
Hat Christus vns vor seinem Todt/
Gegeben das einig new Gebot:
Das wir einander sollen lieb haben/
Neid/ Hass vnd zwitteracht gar abgraben.
Das solln wir Christen all gemein/
In Lieb/ Friedlich vnd einig sein/
Bey Einigkeit da wonet Gott/
Bey Zwitteracht der Teuffel vnd Todt/

C

Der=

Derhalb wbe dem/ der vrsach macht/
Zu widerwillen vnd Zwitteracht/
Der bey den Jungen oder Alten/
Freundschaft vnd einigkeit thut spalten.
Des ist ein Man gross lobens werdt/
Der allzeit von Herzen begerdt
Freundschaft vnd Einigkeit zumachen/
Sich des befeist in allen sachen/
Der thut Gott ein wolgefellig werck/
Vnd hat bey Friedshandl in Gott sterck.

II.

Die Vier Erbsende des Friedens.

Zu Ehren.

GENEROSO ET ILLUSTRIS:

Carolo Danæo Serenissimi Gallorum Legato Domi-
no suo Clement.

Der Kayser Karolus der Vierdt/
In dem Römischen Reich regirt/
Da man schreib Dreyzehnhundert furs
Vn Siebentzig die jarzal war/ (war
Da thet er eines tages fragen
Franciscum Petrarcham/ zu sagen
Wie er mit sampt den andern Alten/
Fried mocht im ganzen Reich erhalten?
Petrarcha thet im antwort geben:
Wo er wolt Fried erhalten eben/
So muß er aus dem Reich vertreiben/
Vier Feind/ der keinen lassen bleiben/

weil

Weil sie all vier gros vbel vbtē/
Darmit den Fried allzeit betrüben/
Der Keyser hies die Feind ihn nennen/
Auff das er sie auch möcht erkennen/
Vnd sie möcht aus dem Reich vertreiben/
Auff das Fried möcht darinnen bleiben.

Der Weis sprach : Der Erst ist der Neid.
Welchem ist in dem Herzen leid
So er sieht ander Herrschafft glück/
Braucht er heymlich viel böser tück.
Die glückselig Herrschafft zu legen/
Oder ander auff sie zu hetzen/
Mit List vnd Lügen wie er mag/
Endtlich kompt er selber an tag/
Thut sich heimisch gegn ihr entpörn/
Ihr glück vnd wol fart zuuerstörn/
Vnd thut Krieg vnd Streit gegn ihr vben/
Den heylign Fried/ mit zubetrüben/
Vnd thut darmit auch auff sich laden/
Dfft grossen verterblichen schaden/
Wie das alt Sprichwort sagen thet :
Der Neid gern nur ein Auge het :
Auff das sein Nechster wer gar blind/
Wie solchs sich in dem Krieg erfind.

Der Ander Feind das ist der Geiz/
Wo der regiert/ daselben leits/
Wo Herrschafft Geizig ist zu gewinnen/
Wag sie oft leichtlich orsach sinnen/
Ohn grund/ aus bosshafftigen mut/
Zu Herrschafft die reich ist ohn gut/

C 9

Das

Das sie dieselbig thu bekriegen/
Hegwältigen/ vnd angefigen/
Wider Billigkeit/ recht vnd glauben/
Das sie Brandtschetzen müg vnd rauben//
Vnd verderben Leute vnd Landt/
Mit gefengnus/ mordt vnd brandt/
Dergleich ihr eigen Leut auch pressen/
Drücken/ schinden/ schaben vnd fressen/
Wie das alt Sprichwort sagt voraus:
Der Geitz betrib sein eigen Haus/
Mit steuren vnd schwinden ansetzen/
Vnghörter art das Volck zuschetzen/
Wider Billigkeit/ Recht vnd Ehr/
Auff das er nur sein Schetze mehr/
Darob der gemein Mann murmerirt/
Unwillig wider spennig wirdt/
Nicht denn an Aeuertrey vnd auffthur/
Entpörung vnd grosse vnthur/
Darinn oft werden gar zertrent/
Sollich geytzige Regiment.

Der Dritte Feind/ das ist der Zorn/
Wo ein Fürst gern thut rumorn/
Vnd veracht alle Billigkeit/
Gerechtigkeit vnd bescheidenheit/
Kachgirig ist/ trutzig vnd frech/
Verwegen/ vnbesint vnd geck/
Von den sagt das alt Sprichwort blos:
Zorn thu in eines Narren schoß.
Weil ein solch Fürst mit schlechten dingen/
Gar bald in Warnschafft ybringen/
Das

Das er zu ruck schlecht all gutigkeit/
Vnd mit grimmigs Zorns wütigkeit.
Er auff ist/ mit gwaltiger handt/
Krieg firt/ zu verterbung der Landt/
Auch sein eigen Landt zu verterben/
Vnd thut im Krieg nicht mehr erwerben:
Dann das er auch in kurtzer stundt/
Mit Land vnd Leuten ghe zu grundt.
Wie denn ein alt Sprichwort ist sagen:
Wer gern hadert/ wirdt oft geschlagen.
Vnd wer gern mit dem Schwertte sicht/
Der wird auch mit dem Schwertt gericht.

Der Vierdte Fiendt ist die Hoffart/
Helt allmal den Fried widerpart/
Wie vns den sagt der weise Man:
Der Hoffertig fast hader an/
Wann wo ein Herrschafft ist Hochmütig/
Stoltz/ auffgeblasen vnd vngütig/
Khumrhetig gar prechtig vnd prentisch/
Die ist auch vnleidlich vnd zenckisch/
Vnd meint sich soll jederman bücken/
Vor ihr sich neigen/ weichen vnd rücken/
Begerdt vberall ob zu schweben/
Da mag sich leicht vrsach begeben/
Das sie mit ander Herrschafft greund/
Weil man ihr ohn das ist auch feind/
Wan ihr dest heftiger zusetzt/
Denn wirdt solche Herrschafft zuletzt/
Welche ihr Reich mit Ruhm vnd Ehren/
Vermeint zu erweiteren vnd mehrn/

Das ihr sampt den frömbden verleust/
Solchs alles aus der Hoffart fleust/
Der weis Man sagt nicht ohn gefehr:
Hoffart geh vorm verderben her.

S Erhalten Grosmechtiger Keyser/
Des Reichs ein gwaltiger Keiser/
Wolt ihr Fried haben in dem Reich/
So müst ihr austreiben zu gleich/

Diese obgenandte vier Feind/
Die dem Fried widerwertig seind/
Mit guten Gsctzen sie vergwalten/
Vnd auch stattlich daruber halten/
Bey des Reichs Stenden allesander/
Wo ein Herrschafft wider die ander/
Ohn recht/ wolt Kriegen oder Kumorn/
Aus Leid/ Geitz/ Hoffart oder Zorn/
Dieselben wolt ihr ernstlich straffen/
Darmit so möcht ihr Fried vorschaffen.



Vnters

III.
Unterscheidt zwischen Krieg
vnd Fried.

Zu Ehren
Der Kron Polen vorgemelten Her-
ren Commissarien.

In dem mals lag ich nach Mitternacht/
Gantz münter/ vnd heimlich gedacht/
Nu hab ich je bey all mein tagen/
Sehr viel von dem Krieg hören sagen/
Vnd noch viel mehr dauon gelesen/
Wie etwan gross Krieg seindt gewesen/
Vnd hab doch kein Krieg gesehen/
Aus furwitz thet ich bey mir sehen/
Den Krieg möcht ich sehen wol/
In dem wurden gantz schlaffes vol/
Mein augen/ vnd schlieff also hin/
Ein sanfften schlaff da mir erschein
Ein grosses erschreckliches weib/
Geharnischt war er ganzer Leib/
Trug ein Pantzer vnd einen Schilt/
Erzeigt sich vngestumb vnd wildt/
Het ein Schwerdt in der rechten Hand/
In der lincken ein Feuerbrand.
Mit Blut ihr Angesicht war besudelt/
Ihr Har verpigelt vnd zerhudelt.
Ich sach das für ihr Vieh vnd Leuth/
Erschrack/ vnd sich im Feld zerstreut/

Das

Das Landvolck vor ihr flöhen tzet
Vieh/ Hausrath/ Kleider/ Gelt vnd Bett/
Indstadt/ die auch dem Weib nicht trawt/
Sich rüset/ verschantz vnd verbauw/
Nach dem aber das Weib sich rürt/
Ein verterbliches wesen fürt/
Mit ihrem Schwerdt vnd ihrem Bandt/
Verheeret wardt das gantze Landt/
Dörffer/ Weiler gebrennet aus/
In Aschen lag manch Herren Haus.
Mühl vnd Hemmer/ ging alls zu grundt/
Was nur das Weib erreichen kundt/
Garten verwüst/ Baum abgehawen/
Allenthalben tzet ich jammer schauen/
Teiche fischt sie/ vnd tzet ablassen/
Vnsicher waren alle Strassen/
Das Weib als ein Wörder vmbschweiff/
All Grenzen vmb die Stadt durchstreiff/
Mit Raub vnd Brandt/ Gfengnus vnd Wort/
Gebrandtschatz wardt auch manch ort/
Strassen vnd Landtschafft sah ich Lehr/
Sam ob kein Mensch auff Erden wer/
Das Gwechs sah ich im Feld verdorren/
Verschwelct/ vertorben vnd verschmorren.
Auch sah ich viel Leut so da lagen
Im Feld/ erschossen vnd erschlagen/
Ihr etlich hingen an den Baumen/
Mit werffen tzet sich auch nicht saumen
Das Weib/ in die Stadt vngesug/
Als ob Hagel vnd Donner schlug/
Mit Steinen vngesueer schwer/
Beschedit die Stadt hin vnd her/

Dhn

Ohn zal Heuser sampt der Stadtmanwren/
Da sas manch Mutter Hertz in trawren/
Das Weib macht Lerman nach Krieges furm/
Sam wolt sie anlauffen ein Sturm/
Groß sorg war vor verretterey/
Vor Nordtfewr/ vor der Neuterey/
Vnd dergleich andere gefehr/
Beschlossen wurden hin vnd her/
Die Stadt thor verhut vnd vermachet/
Beyde bey tag vnd auch bey nacht/
In Harnisch sah ich alle Bürger/
All werckstatt sah ich ödt vnd lehr/
Nieder lag aller Kauffmans Handel/
Niemandt het noch aus sein Wandel/
Gantz lehr waren auch alle Schul/
Kirchen vnd auch der Predigstul/
Veracht war Kunst/ Sitten vnd Tugent/
Kro vnd wildt war Alter vnd Jugent/
Gericht vnd Recht stundt still im Krieg/
Bürgerleich Politey die schwieg/
Der gleich all Statuten vnd Gsetz/
Auch daucht mich in den Traum zu letz/
Fleischbenck vnd Marckt war lehr vnd ödt/
Die Narung mager dürr vnd sprödt.
Dergleichen thet sich auch ereigen
Mangel in viel dingen erzeigen/
Abnam Barschaft sampt dem gewerb/
Es lag den Armen streng vnd herb/
Auch geschach dem Reichen grosser schaden/
So waren beyd theil vberladen/
Von diesem Weib mit angst vnd not/
Die Vih vnd Leut dremet den Todt/

D

Des

Des war die Burgerſchaft entſchluchzt/
Ich hört kein Menſch der frölich juchzt/
Aus war all freud in dieſen tagen/
Ich ſah kein Zielschieſſen noch jagen/
Kein Fechten/ Lauffen oder Ringen/
Ich hört kein Seytenſpiel noch Singen/
Sonder Frocht/ Angſt/ Zittern vnd Wemmern/
Läſzen/ Wecklagen vnd gemmern/
Nach dem vnd ein jedes liedt/
All hört ichs ſeuſſzen nach dem Friedt/
Vnd bitten Gott den H E X X V ſehr/
Durch groſſe gelübt hin vnd her/
Das er ſein Friedt auff Erd wolt ſenden/
Der ſie löſt aus des Weibes henden.
In dem daucht mich in Traumes qual/
Wie ſich Her aus der Himel Saal/
Ein Weib herab ſchwung auff die Erden/
Freundtlich/ Holdtſeliger geberden/
Bekleidt in ein Gilden ſtück/
Dem Volck zu Wolfahr/ Heyl vnd glück/
Als Volck hub auff gegn ihr die Hand/
Entpfing ſie frölich an dem end/
Darbey merckt ich den Vnterſchied/
Das dieſes Weib were der Fried/
Vnd das gewapnet Weib vorher:
Der Blutig Krieg geweſen wer/
Das ich vor her begert zuſehen/
Bald ſich aber Friedt wurd nehen/
Bey ein Schneweiſſen Lemlein zſtundt/
Der Krieg im Augenblick verſchwund/
Da wurden ſicher alle Straffen/
Das Landt voll Vieh vnd Leute was/

Im

Im Feldt sah ich Pflanzgen vnd Seen/
 Schneiden/ Ackern/ Hewen vnd Ween/
 Dörffer vnd Heuser wider stunden/
 Mühl vnd Hemmer sich wider funden/
 Geöffnet wurden alle Thor/
 Man führet wider zu wie vor/
 Was man dorfft zu Menschlicher Nahrung/
 Kauffendel hetten auch kein sparung/
 Hetten widerumb freyen gang/
 Ich hört wider der Hemmer klang/
 In Schmitten vnd in der Werckstatt/
 Jedes Handtwerck sein Webern hat/
 Darmit ein jeder mocht mit Ehren/
 Weib vnd Kindt/ Kleiden vnd ernern/
 Sah wider wandeln Alt vnd Jung/
 Nach Burgerlicher Ordnung/
 Ein jglichen nach seinem standt/
 Sein vnterthan der Oberhandt/
 Auch sah ich wider ghen im schwang/
 Ceremoni vnd Kirchen gesang/
 Das rein wort Gottes vnd die Predig/
 Gott danckt alls das es war ledig:
 Des Kriegs vnd der plackarey/
 Man fing erst an gut Politey:
 Nach rechter Burgerlicher Trew/
 In aller Freundschaft wur es erst new/
 Keiner den andern mehr beschwert/
 Mit Wucher/ Aufschlag oder gefert/
 Dergleich mehr ander schendlich Laster/
 Sah ich fort nicht mehr auff dem Pflaster/
 Fürten wie ich sah gleich vnd eben:
 Ein rechtes Brüderliches leben/

D 9

Nach

Nach dem hört ich wie in der Stadt
Den Fried man ausgeruffen hat/
Da wardt ein Jubel vnd frolocken/
Manch Hertz das was in freuden schlocken/
Mit solchem frölichem gedön/
Das es durchging des Himels thron/
Darvon ich aus dem schlaff erwacht/
Der Sach nach sunn/ vnd mir gedacht/
Wie ist so grosser vnterschiedt
Zwischen dem Krieg vnd dem Friedt/
Wie war hat geschrieben mit Nam
Herr Erasmus Rotterdam/
In seinen Sprichworten vor jaren
Spricht/ Wer des Kriegs ist vnerfaren/
Dem sey der Krieg süs vnd angenehm/
Meint/ wer aber erfert in dem/
Krieg/ souiel vnglückes schaden/
Derselb hat des Kriegs kein gnaden/
Sonder allein des Feieds begert/
Wer aber sichtet mit dem Schwert/
Derselb wird auch am Schwert verterben/
Wie Christus sagt vor sein sterben/
Voraus wo er krieget mit willig/
Wider Gott/ Ehr vnd recht vnbillig/
Zu verterbung viel armer Leut/
So zalt ers endlich mit der heut/
Derhalb ich in mein jungen tagen/
Dem Krieg gantzlichen ab thet sagen/
Denn so ferr ich dem gemeinen nutz
Dem Vaderland/ Hilf halten schutz
Sonst aller Krieg hindan gestellt/
Den Frieden ich mir auerwelt/
Der

Der

Der ist freundlich vnd gar holdselig/
Dem Menschen vnd auch Gott gefellig/
Selig ist der hie Friedt begert/
Selig der sein Nechsten nicht beschwert/
Wahr Selig der nicht vbel spricht/
Noch seliger der sein Nechsten nicht vernicht/
Viel seliger der sein bösen willen bricht/
Allerseligst der gros Hadr/ oder Krieg verricht.

III.

Die Grossmütigkeit oder Stercke.

Zu Ehren

Den Churfürstlichen Sächsischen
Herren Commissarien.

Sins Abends als ich sas
Vnd in Seneca las/
Von der Grossmütigkeit/
Wie sie vor langer zeit/
Ihr Diener macht Lobwürdig/
Aus deme ward ich begirdig/

Der Tugend lang nach tracht/
Hört wunder vmb Niternacht/
Daucht mich so eigentlich/
In ein Gesicht wie ich:
Ging durch ein grünen Walt/
Zu einem Schloss vralt/
Auff gbeling Fels erbawen/
Aus quaderstein gehawen/

D iß

Nit

Mit flachem Dach vnd Zinnen/
Ich dacht wer wont darinnen/
An diesen wilden Orten/
In dem ich vor der Pforten
Sach stehen ein weiblichs Bild/
Gerüstet mit Helm vnd Schild/
In Heidnischer Arma/
Gleich einer Amasona
So in Scythier Landt/
Vorzeit Regiret handt/
In dem das gwapnet Weib/
Herrlich dapffer von Leib/
Wincket mir zu ihr dar/
Des ich erfreuet war/
Ich gieng vnd mich ihr neigt/
Gantz vnterdienstlich erzeigt/
Da botß sie mir ihr hend/
Vnd furt mich an dem end/
Mit kurtz frundlichen worten/
Durch die vergitter Porten/
Also gieng sie mir vor/
Ubern Hoff zu ein Thor/
Zu einer Brücken hoch/
Die het etliche Joch/
Vber ein Graben tieff/
Darinn vnter furliess
Ein Wasser starck vnd gross/
Kingweis vmb das gantz Schloß/
Nun vber die Schlagbrücken/
Thet wir hineinwertz rücken/
Durch ein Brücken nicht ringer/
Erst kam ich in den Zwinger/
Sah

Sah das eusserst gemewer/
Gantz starck vnd vngehewer/
Des Zwingers wehr vmbfieng/
Das Schloß gantz zirckel ring/
Erst mir an dem Thor thurn/
Von ihr gezeiget wurn/
Wie die Stein thet erheben/
Einen gekrönten Löwen/
Darob ein starcker Man/
In Stein gehawen stan/
Erst fürts mich in das Schloß/
Durch ein Port starck vnd gross/
Wol dreyer Klafftern dick/
Da wardt mir erst ein blick/
Ein frefftig starck gebew/
Sie sprach: besich ohn schew/
Das Schloß wider vnd für/
Auch zeigt mir durch ein Thür/
Ein schön weiten Rossstall/
Gewelbet vber all/
Vber ein lange Brücken/
Auch mit starcken Werckstücken/
Zeiget mir drey künstlich Schnecken/
Das man in der Feindt schrecken
Kundt in alle Gemach/
Im Schloß bis vnters Dach/
Auch zeigt mir wolbesunnen
Keller vnd auch Schöpffbrunnen/
Der man drey Baden hoch
An einer Pompen zoch/
In wunder stundt mein Hertz/
Ein stieg fürts mich auffwertz/
110

Zu

Zu einer Eysern Thür/
Da war ein Kiegel für/
In einem starcken Thurn/
Darein geleyet wurn
Die ybel theten thon/
Hinumbwertz thet wir gon
In ein Stuben darbey/
Sah ich zur Keuterey
Gar mancherley Rüstung/
Das weib mich zu erlüftung/
Fürt auff ein Gang zumal/
Wich in ein schönen Saal/
Gewelb in aller gebür/
Als obs ein Kirchen wer/
Die Fenster hoch vnd eng/
Der Saal het an der leng
Sibenzig Schuh oder mehr/
Darinn zu Gottes ehr/
Ein klein Cappellen rundt/
Darnach ging wir zu stundt/
In ein Stuben daran/
Der Tisch erhaben stan/
Nach der antiquitet/
Daraus mich füren thet/
In ein weite Kemnat/
Darinn maniche Bettstatt
Auffs Herrlichst zugericht/
Auch ward mir im Gesicht
Gezeiget auch darinn
Das aller gröst Camin/
Auch thet darin schawen/
In die Klawer gehawen

Viel

Viel frembder Herren Schildt/
Nach art künstlich gebildet/
Der ich ein theil nicht kendt/
Die Gemach hie obgenendt/
Waren gleich dem Saal/
Gewelbet vber all/
Ihr jedes gformet wart/
Nach alt Heidnischer art/
Gar starck vnd vngewer
War gar durchaus/ das gemewer
Dick/ als ein Mannes Klaffter/
Das Weib mich füret affter
Hienauff ein stiegen hoch/
Int Hoffstuben/ doch
Die etwas bawet wart/
Nach vnser Deutschen art/
Die war gar wol staffiert/
Geschmücket vnd geziert
Sampt einer kleinen Tantzley
Vnd einer Kemnat darbey/
Vnd etlicher Gemach/
Der ich in eyl nicht sach/
Doch Küchen vnd Speiskamer/
Die was für Hungers Jamer:
Mit Vorrat wol gespeist/
Vnd was sie mir sonst weist
Von mancherley Gemächen/
Volkommen/ ohn gebrechen/
All mit beschlossenen Thürn.
Auch thet mich höher fürn
Hinauff/ vnd mir auffschlos/
Zwo Küstkameren gros/

LE

Dar-

Darinn Harnisch vnd Wehr/
Zu Ritterlicher Lehr/
Vnd ander Arculey :
Kugel/ Puluer vnd Bley/
Zu Kriegs Küstung nütz/
Halb Haken vnd Handgschütz/
Weiter führt sie mich mehr
Auff die vmbblauffent Wehr/
Vnd zeigt mir das Geschos/
Auff Redern klein vnd gros/
Jeders mit seiner ghörung/
Wider des Feinds entpörung/
Das man heraus wolt zwacken/
Auch zeigts mirs ohn zal Wacken/
Auch Bechring mancher furn/
Streuwbüchsen zu den Sturm/
Nach dem liß sie mich sehen/
In die vier vnd die neben/
Berg/ Thäl vnd finstern Wälder/
Stedt/ Dörffer vnd Bawfelder/
Obsgerten vnd Weinbergk/
Allerley gut Wülwerck/
Darunter auch ein Stadt/
Noch sie ein Vorath/
Mir zeigt von Habern vnd Korn/
Auff dem Boden dauorn/
Darnach das Weib thet jehen
Zu mir/ nu hast gesehen
Wein starck erbawte Festen/
Verordnet nach dem besten/
Welche auch tag vnd nacht
Bewardt wird vnd bewacht/

Sag

Sag wie gefelt sie dir?

Ich antwort wider ihr:

O Fraw/ hab ich genad/

Bey dir/ vnd ist's ohn schad/

So sag mir wer du seist:

Die Burck mit sterck anweist:

Dich sein von Edlen Stammen/

Her von der Götter Namen/

Das Weib antwort also:

Ich bin Fortitudo/

Sterck vnd Grossmütigkeit/

Die ich vor langer zeit/

Alexandrum Magnum/

David vnd Romulum/

Teseum/ Herculem/

Achillem/ Hectorem/

Vnd Keiser Julium/

Pirrum vnd Augustum/

Der Lob hab ich hoch erhaben

In schriftlichen Buchstaben/

Das ihr Lob bleibt vntödtlich/

Sam Ewig vnd gantz Göttlich/

Vnd all die mir anhangen/

Auch gleiches Lob erlangen/

Du großmechtige Tugent

Sagt ich: Ich hort von jugent

Sehr hohes Lob von dir/

Ich bitt erzele mir

Deine Tugent Eigenschaft/

Sie sprach: da gib ich krafft

Ein Mann/ der mir gehorcht/

Von dem treib ich die forcht/

¶

¶

Mach ihm all sorg abwendig/
Das er bleibt frey bestendig/
In widerwerdigkeit/
Wann ich gib ihm Weisheit/
Das er all ding fürsicht/
Bey zeit/ ehe es geschieht/
Durch die fürsichtigkeit/
Lebt er in sicherheit.
Doch mach ich ihn nicht gech/
Verwegen oder frech/
Freuel oder Mutwillig/
Sonder handelt gantz billig/
Kan sich selb vberwinden/
Sein gäßen zorn binden/
In allen schlechten dingen/
Thut aber auff ihn dringen
Der Feindt/ vnd ihn durchhecht/
Unbillich wider recht/
Denn wagt er Leib vnd Gut/
Sein Leben bis auffs Blut/
Darmit er Leut vnd Landt
Beschütz mit theurer Handt.

V.

Historia.

Ursprung des Volcks der Longoparter/
Was/ wo/ vnd wie lang zeit sie Regie-
ret haben.

An des Reichs Dennemar-
cken Legaten.

Nach des Herrn geburt furwar/
Dreyhundert vier vnd achtzig Jar/
Als Snyo der König regieret
Des Königreich Denmarcke guber-
Do fiel ein grosse Tewrung ein/
Der König verbot bey grosser pein:

Das zusauffen vnd Gasterey/
Vnd auch das Bier brewen darbey/
Das man Gersten/ Weitzen vnd Streyd/
Zu Brod solt bachen/ durch den bescheid/
Weint die Tewrung zu dempffen mit/
Solcher furschlag halff doch gar nicht/
Wann es je lenger tewrer wardt/
Es lag dem armen Volck gar hardt/
In dem Hunger so gar verdurben/
Das ihr dorin viel Hungers sturben/
Vnd nam die Tewrung vberhandt/
Durch das ganz Denmärckische Landt/
Do hielt der König wider Raht/
Darinn gentslich beschlossen hat/
Das ein jeder Herr in sein Haus
Erschlagen solt/ vnd reuten aus
Vralte Leut vnd kleine Kindt/
Lam/ krüppel/ francke/ schwach vnd blindt/
Was nicht tocht zu Arbeit vnd Kriegen/
Des würd ein gross Summ erliegen/
Darvon die Tewrung nem ein endt/
Als solchs eigentlich wurd erkendt/
Zu solch grausam mörderisch that/
Wann einen tag bestimmet hat/
Doch hielt man diese ding in gheim/
Als ein Landtherr kam trawrig heim:

Es ij

Frage

Fragt sein Gemahl/ Was ihm doch wer?
Do sagt er vom Todtschlagen Her/
So geschehen solt in kurtzen Tagen/
Die weise Frau het hinwider sagen/
Mich wundert das der König hat
Nicht funden einen weisen Rath/
Wie die Tewrung zu stewarten sey/
Denn durch solch grausam Mörderrey/
Besser wer/ der König fördert zusammen
In Dennmarck all Geschlecht vnd Stammen/
Vnd werff denn vber sie das Loss/
Vnd welch Geschlecht denn triffe frey bloss/
Das Loss/ das Geschlecht mit Weib vnd Kindt/
Mit Vieh vnd allem Hufsgesindt
Denn zieh aus Dennmärckischen Landt/
Aus dem so wird folgen zu handt/
Das das Vaderlandt würdt erledigt/
Von viel des Volcks blieb vnbeschädigt/
Denn würden solch redliche Dänder
So weichen müsten/ andre Lender
Zinnemen/ Vnd darin mit Ehren/
Sich mit Weib vnd Kind ernheren/
So bleiben all Menschen bey leben/
Vnd wird geholffen auch darneben
Das die Tewrung auch nem ein endt/
Der Rath des Weibes obgenent/
Wurd dem König gezeiget an/
Der het ein grossen gefallen dran/
Vnd baldt ausginge ein Mandat
In Schonlandt zsam geruffen hat/
Im gantzen Königreich/ all Geschlecht/
Do wurff man das Loss gang gerecht/
Vnd

Vnd welches Geschlecht getroffen wardt/
Das rüset sich auff die Hinfart/
Aus fug der Göttin offenbarn/
Sind sie auff Gottlandt gefaren/
Vnd haben sich an diesem endt
Selbs die Longobarder genent/
Nach dem da sielen sie in Rügen/
Theten den Wenden viel Krieg zufügen/
Vnd richten auff ein Königthum/
Erwelten zu König Agelmundum/
Da wonten sie auff Hundert Jar/
Darnach zogens ant Thonaw dar/
In Vngern bliebens etlich zeit/
Nach dem zogens mit freydigkeit
Auch in das Landt Italia/
Doch mit viel Krieg vnd streiten do/
Namens ein Landt ein an dem endt/
Das man noch Compardia nendt/
Da haben sie gefürt gross Krieg/
Auch erlangt manch herrlichen Sieg/
An den Götten vnd Ferulis/
An den Hunen vnd Gepidis/
Vnd an den Römern dergleich/
Gewaltig erweitem ihr Reich/
In dem Wellshlandt mit Landt vnd Stedten/
Vnter ein vnd dreissig König sie hetten/
Nach einander Regirten do/
Vnter König Desiderio/
Als König Carol mit ihm krieget
Aus Francreich/ vnd ihm angesieget/
Do nam doselbst mit ihm ein endt/
Sein gewaltiges Regiment/

Des

Des doch gestanden war fürwar:
Zwey Hundert zwey vnd dreyszig Jar/
Welliches Königreich vnd Landt
Nach Lombardia wird genandt.
Solch Geschicht vns bezeiget da/
Die Dennmarckische Cronica/
So Albertus Krantz hat beschrieben/
Aus dem ist vns zu mercken blieben/
Das Gottes Reich allein besteht/
Vnd all vergenglich ding zergeht/
Darumb sollen wir trachten darzu/
Das wir mögen haben friedt vnd rhu/
Durch vnsern H^{er}ren Ihesum Christ/
Dieweil Zeitlichs vergenglich ist.

VI.

Historia.

Ursprung vnd vntergang des
Volcks der Hunen.

An des Reichs Schweden
Legaten.

Dzel Hundert Jar für Christ geburdt/
Do viel Volcks in Schweden wurdt/
Das Landt nicht kund ertragen gar/
Verbandt sich zsam ein grosse schar/
Wolten suchen ein ander Landt/
Dis Volck wurden Gotten genandt/
Wolten zu ein König Reich/
Zogen also in ihrem Viech:

An

An die böser Meotidas/
Mit ihn aber auszogen was
Der Heren ein sehr grosse Zal/
So mit Zauberey konten zumal
Wetter vnd Ungewitter machen/
Viel Gspenst mit Teuffelischen sachen.
König Erich het gross vngunst
Ob solcher Teuffelischen Kunst/
Das sein Volck vnuermackelt blieb/
Er die vnholden all vertrieb/
Von seinem Volck in ein Einöd/
Do diese Heren arg vnd schnöd
Kamen zu letzt in Scythia/
Sunden ein grob wildt Volck alda/
Die ohn Heuser dem wildt nachstreiffen/
Als wilde Holtzmänner/ vmbschwweifften/
Zu dem Volck sich die Heren hetten/
Vnd darnach Kinder mit ihn hetten/
Daraus wurd ein grausam Volck grimm/
Kurtz vnd schwarz mit kirrender stimm/
Welches Volck in Scythier Landt/
Das worden die Hunni genandt/
Das mehret sich in grosser zal/
Nun hat sich begeben ein fal/
Nach langer zeit vber viel Jar/
Das erst genanter Gotten schar
Hetten ihr wonung an der See/
Westen nichts von den Heren mee/
Aus den zu Ross/ eins tags ein Jeger
Vmbschwweifft/ aus der Götten Läger/
Vnd jaget da mit seinen Winden/
Gegen dem so ein schöne Hinden/
§ Die=

Dieselb vor den Hunden hinlieff/
Traff ein furt durch den See tieff/
Vnd kam an das ander Gestatt/
Als der Jeger das gesehen hat/
Mit dem Pferd in den See auch setzt/
Vnd traff auch diesen furt zu letzt/
Sah das jenseit sehr gute Weid/
War/ den heriesstet/ den bescheid
Sagt er hernach den Gotten an/
Da rüst sich Frawen vnde Man/
Mit Vieh vnd allem was sie hetten/
Vnd durch den furt hinwaten t heten/
Hinüber an das ander Gestat/
Da besser wouung funden hat/
Das Volck der Gotten/ sampt Weib vnd Kinden/
Als aber die Hunnen dahinden
Der frembden Gest wurden gewar/
Da kamen sie mit grosser schar/
Vnd führten mit ihn langen Krieg/
Jeder theil het ein weil den Sieg/
Wiewol der zweyer Völcker schar
Von einem Volck Ausgangen war/
Jedoch het jedes an dem endt/
Sein König vnd eigen Regiment.
Die Hunnen einwonten Scythiam/
Hetten noch viel Jaren Attilam:
Zum König in ihrem Regiment/
Der sich die Geisel Gottes nendt.
Ein Wütrich vnd grossen Tyrannen/
Der furt aus vnter seinem Fanen
Wol fünffmahlhundert tausent Man/
Gsamlet/ mancherley Nation.

So

So er von vnter sich het bracht/
Mit solcher grossen gewalt vnd macht
Zog er durch Vngern in Deutschlandt/
Das verbert er mit mord vnd brandt.
Nach dem ist Attila dergleich/
Auch eingefallen in Franckreich/
Das er mit Tyrannischer handt
Verwüster mit raub mord vnd brandt/
Ecius ihm entgegen zug/
Mit grossem Volck sich mit ihm schlug/
Da hundert tausent Man erlagen.
Vnd achtzig tausent wurn erschlagen/
Attila zog in Vngern nieder/
Mit newem Volck sich stercket wieder/
Nach dem zog er in das Welsche landt/
Verberet das mit gewaltiger handt/
Meylandt plündert vnd brent schrecklich/
Wendet sich widerumb auff Franckreich.
Darin ist er nach kurtzen tagen
Von Torismundo worden erschlagen/
Der wisi Götten König erlegt
Der ihm mit grossem Volck begegt.
Attila floch in Vngern darnach/
Da trass ihn auch die Göttlich Rach/
Vnd sterb an den Blutfluss der Nasen/
Vnd hat zween Sön nach ihm verlassen/
Hernacum vnd auch Ewricum/
Von den zwey Sönen fielen vmb/
Ihr Buntgnossen mancher Nation/
Wolten nicht mehr sein vntertthon/
Den Hunen/ vnd nach kurtzen tagen
Ist Hernacus worden erschlagen/

S ij

Von

Von Ostrogotten in einer Schlacht/
Ewricus gar mit kleiner macht
Sein Bruder kam in Scythia/
Besas ein kleine Herrschafft da/
Do nam der Hunen Nam ein endt/
Sampt ihrem Königlich Regiment/
Gschach nach Christi geburt vngfahr/
Vierhundert darzu funffzig Jar.

Sagt vns die Schwedisch Chronica/
Aus dem ist vns zu mercken da/
Das kein Gewalt vber Leut vnd Landt
Auff Erden/ lang hat ein bestandt.
Voraus wo er Tyrannisirt/
Ohn schuld viel Bluts vergossen wird/
So nimbt gewislich solch Regiment/
Gar liederlich ein spötlich endt.
Das die Erben mit blosser handt
Müssn verlassn Namen/ Leut vnd Landt/
weil sie durch Geitz vnd Krieges streit/
Auff sich laden vngunst vnd Leidt.

Historia Vlissis auff dem Meer.

Zu Ehren der Stadt Lübeck
Gesandten.

Dimerus der Göttlich Poet/
Vns nach der leng beschreiben thet
Das gros vnglück Vlissi werd/
Darin er erlidt viel geferd/
Das

Das gantz Meer was ihm zu wider
Vnd warff ihm sein macht darnider/
Darnach ob er wol Sieben Jar
Bey der Göttin Calipso war/
Die ihnen denn auffhielt so lang/
Doch vnglück weiter herzu drang/
Derhalben nam er sein Abschied/
Zog anheim nach gemachtem Friedt/
Dannoch wie vor das wütend Meer
Setzt ihm zu schwind/ grausam vnd sehr/
Auch braucht Neptunus sein tück/
Das er zu Wasser hat kein glück
Dann do er schiffte auff einem Floss/
Von Bewmen lang/ starck schwer vnd gross/
Vnd gantzer siebenzechen Tag fur
Auff dem Meer/ ihn erschienen wur
Neptunus der gwaltig Meer Gott/
Der schut sein Kopff in Zoren rot
Sprach: Poliphemo hast ausgestochen
Sein Aug/ das wird itzund gerochen/
Neptunus in das Meer schlug/
Mit sein drey spizing Septer Flug/
Im Augenblick fielen geschwind/
In das Meer die vier Angel wind/
Das Meer ward wütig vngestümb/
Vnd trieb gross Wellen vmb vnd vmb/
Die als die Berg hertheten Wallen/
Als woltens den Floss vberfallen/
Vlysses schrey in dieser nott/
O das ich wer fur Troia todt/
Kitterlich mit der Kriechen schar/
So wer mein Nam vntödlich gar/

S ij

Die

Wie mus ich gar vnehrlich sterben/
 In dem wütigen Meer versterben/
 In dem ein schwal Wassers her schoß/
 Vnd schlug Olysssem von dem floss/
 Das Meer ob ihm zusamen schlug/
 Wie schwimmen er krefftiglich zug
 Zum floss/ vnd wider darauß fas/
 Viel Wassers aus ihm schütten was/
 Leucate/ die Meer göttin alt/
 Kam in eins Eysvogels gestalt/
 Sprach zu ihm würff von dir die Seyden/
 Darcin dich Calipso thet kleiden/
 Vnd warff ihm zu ein Brett mit list/
 Sprach: Leg dich drauff mit deiner Brust
 Vnd schwim zu der Penicer Landt/
 Da wird dir glück vnd Heyl bekandt/
 Als Neptunus in zorns grimmen
 Noch auff dem floss in sah vmbschwimmen/
 Schoß er ein grossen Wasser stral/
 Auff ihn vnd sein floss vberal/
 Von einander gieng gar zu Trümmert/
 Vlisses aber hart bekümmert/
 Das Brett der Göttin vberkam/
 Legt sich darauß vnd darmit schwam
 Im Meer zween ganzer tag vnd nacht.
 Endlich mit schwimmen sich doch bracht
 In das Port der Phönicer Landt/
 Da er den König Aigmem fandt/
 Bey dem er denn zu Herberg wardt/
 Vnd ihm erzelet sein Irrfart/
 Was vnglücks er in zwentzig Jaren
 Zu Landt vnd Wasser het erfarn/

Der

Der König schenckt ihm ein Credentz
Vnd schickt ihn heim mit Reuerentz.

Beschlus.

Nus dem nemb trost ein Mensch die zeit/
So ihn das vnglück gwaltig reit/
Do soll er doch in den plagen/
Nicht gar klein mütig verzagen/
Sonder soll die Hoffnung vmbfangen/
Vnd sich mit kresten daran hangen/

Der Hoffnung mit gedult erhalten/
Vnd soll es Gott als lassen walten:
Vnd ihm still halten diese zeit/
Bis ihm Gott durch Barmhertzigkeit/
Wider in diesem jamer Meer/
Hilfft zu Gesundtheit/ Reichthum vnd Ehr.
Dencken stets Gott lest wol sincken/
Er lest aber nicht gar ertrincken/
Sollg seinem Wort in dem Vnglück/
Lass faren alle andre stück/
Verlass sich auff sein Göttlich hand/
Der bringt in in das Vaterland/
Da ewiger Friedt in dieser zeit
Erwachs/ vnd dort in Ewigkeit.



Gedruckt in der Keyserlichen Freyen
ReichsStadt Lübeck/ durch Johan
Walhorn/ 1571.

Ed 226


X 2202632

TA-OL

ni

Fragment of a handwritten label on the top right corner of the book cover, containing illegible text.





Neue Zeitung vnd Beschreibung/

Von den Friedeshandelstag zu Stettin
vnd derselben beywohnenden/ von den Hohen Po-
tentaten vnd Hauptern der Welt verordneten abge-
sandten Legaten/ wegen der Reichen Dennemarcken
vnd Schweden siebenjerige/ vnd nun Gott lob ver-
tragenen vnd hingelegeten Kriege: Sieben
Herrlicher Gedicht/ von Krieg
vnd Friede.

Alles zu Ehren

Den Herrn Commissarien Legaten vnd
Abgesandten/ welche umb des ganzen Deutschen
Landes vnd derselben fürnehmsten Hendl See vnd
an Seestedten heil/nutzes/vnd wolffahrt willen/zu en-
de dieses 70. Jars / ein ewigen Friedtbund auffgerich-
tet/ gemacht/ vnd gestiftet haben/ samptlichen vnd
sonderlichen allhier in einem artigen Gedicht
auff folgendem Blat namhafftig
gemacht sein.

Durch
Andream Bertholdum/ von Oschab/ Modistam
itziger zeit Deutscher Schulmeister zu
alten Stettin.

1827/1828: 1007

A. F. Gebhard